







臨時政府公報



中華民國元年二月十一日 星期二

臨時政府 公報

第十三號

臨時政府公報第十三號

目次

總令示

大總統令江蘇都督陳炯明南洋白樹廠職員

迅辦交代

陸軍部通飭各軍嚴禁軍人沿途裝賭文

陸軍部電致各省都督各軍政分府嚴禁私

募軍餉文

陸軍部軍需兌換所告示

陸軍部據商會呈設臨時兌換處告示

陸軍部傳知各處通用新省鈔票告示

彙紀事

大總統教聘章太炎為樞密顧問書

法制局薦任職員名單

交通部薦任職員名單

號外附錄

本報價格

▲每月徵費 本埠 大洋 五角 外埠 七角 郵費在內

▲訂册徵費 銀九元

▲諸閱全年 本埠 五元 外埠 七元 郵費在內

▲各官署具印文書請在折價內

公報暫定門類 無別紙

法制

法律 官制及辦事規則 凡屬所屬

金融

其他各項訂定章程 社會 銀行 郵政 倉庫

三紀事

各官署告示 中央國紀 各機關

四抄譯外報

五雜報

海陸軍行動狀况報告 氣象報告 各官署廣告

教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民誦誦良用應請本部現擬徵集歌譜俟取材較多再教請精於新學者共同審定頒行全國倘蒙海內音樂名家制作曲譜並附歌詞郵寄本部不勝企盼之至

教育部謹啟

總統府秘書處白

府內財政部羅蔡失去符號茲亟登報聲明自後如有佩用羅蔡符號者門衛得阻不令進此白

本報廣告

查公報官報等體裁多於正報而外有號外附錄以爲登載法律命令以外之件如草案電報議會速記錄等類本報開辦依始法制院所訂草案尙未經參議院議決故門類從權暫定茲特於第十一號以後附出號外雜錄各件以備觀覽前者編輯員誤登國都督府件如有號外附錄則似無此種屬雜之患也

特 白

●本報特白●

本報因開辦伊始發市各件不多故報材未富自後政令日繁表示自夥應儘所有揭載固無負敎多寡之限制也

●本報特白●

本報開辦伊始趕急排印出版手民過於動勞茲定星期一休息一天

令示

大總統令江蘇都督轉飭南洋印刷廠職員迅辦交代

據該都督呈稱南洋印刷廠確屬江蘇財產合省有之性質今政府既需借用自無不可請令行該都督存案轉飭遵辦並據該廠總理等呈及廠員公稟以該廠自奉乃登接管後並未領有官款請將奉乃登接辦後籌墊及積欠職員工役薪資等分別給還前來查該廠既係江蘇產業自應由政府借用合行令仰該都督遵照迅即轉飭該廠職員將目清算欸項整理簿籍將全廠事務移交本府印鑄局長黃復生管理至該廠經理等乃登所墊之款及積欠職員工役薪資應俟交代時由接收職員體察情形酌量辦理固不可累及私人亦不能濫支公帑並將此意轉飭知之此令

陸軍部通飭各軍隊嚴禁軍人冶遊聚賭文

爲飭禁事照得長軍起義原欲滌除滿清積弊增進社會文明凡屬軍士宜如何淳風精神激發志氣共圖厥成詎在京各軍隊竟有恃強開娼聚賭酗酒及無故荷鎗結隊嬉遊街市致與惡少痞徒無從辨別者放縱卑劣莫此爲甚前奉總統府令開辦外國泰晤士

報詳載民軍此種行為勸諭交加極堪愧悚飭即嚴行整頓等因業由本部召集各軍官開軍事會議約定改良辦法諒已特飭一體遵照矣乃近聞鬧娼聚賭之風仍未稍從末減推其流弊必至人民視若虎狼紀律任其破壞此種行動在滿清野蠻時代尙不如比之甚不謂我民國義軍竟亦有甘蹈此惡習者言之痛心見者側目自此以後惟有嚴密在拿按律懲辦以肅軍紀各軍官有督率之責尤應時加訓誡嚴行約束本部肅出法隨決不稍縱為此通行令知到該軍官即便轉飭一體遵照毋違切切此令

陸軍部電致各省都督各軍政分府嚴禁私募軍餉文

各省都督各軍政分府鑒私自勸募軍餉本部前已三令五申嚴禁在案茲查仍有諸餉爲名到處招搖罔騙者殊屬目無法紀用特電達各省都督各軍政分府凡各地若有此項募捐人員應請就地一律嚴禁以保民國名譽而固民心如有違抗不遵者務請嚴懲不貸以儆效尤是爲至禱陸軍部印

陸軍部軍幣兌換所告示

照得兌換所之設因軍票發行流通市面特選資本最小之商往往以一二元細數難資

周轉本部爲體恤小商維持市面起見特設此所凡爾軍民人等如持軍票來所兌換準
者以二元爲限每日自早八點鐘起至下午四點鐘止在本所兌換倘敢不遵此限制定
即嚴懲不貸爲此示仰爾城軍民人等一體週知其各懷遵毋違特示

陸軍部據商會呈請立臨時兌換處告示

照得本部發給各營隊軍用鈔票業經設立兌換所以資兌換并出示曉諭在案茲據商
務總會呈稱中央銀行刻未開市已暫由該會設立臨時兌換處以維持市面等因前來
查該會所設兌換處專爲維持市面而設爲此出示曉諭各軍隊人等既有本部兌換所
可以兌現毋得持多票往該處兌換致資紛擾其各懷遵毋違切切此示

陸軍部傳知各處通用浙省鈔票告示

照得軍用鈔票原爲活動金融機關若畧界限留難阻滯其於民國共和政體相背茲有
北伐浙軍帶來浙省鈔票通行市面惟恐商民人等誤持昔日銅見交相推阻爲此出示
曉諭仰商民人等一體週知凡遇有浙省鈔票當一律通行勿得留難阻滯致碍大局切
切毋違特示

紀事

大總統敦聘章太炎先生爲樞密顧問書

太炎先生執事白金輪失取諸夏沉淪炎黃子姓歸於陸隸天有厥衷人神膏發禹域所封指顧奠安寶賴二三先達啓牖之功文亦得密勿以從於諸君子之後惟日孜孜猶多隕越光復閭閻懼有蹉失唯冀耆碩之士爲之匡翼砥厲民德綱維庶政豈惟文一人有所榮臬冠裳所及實共賴之執事目空五蘊心蟬九流擷百家之精微爲立世之儀表敢奉國民景仰之誠用爲樞密顧問庶幾頑嚚聞風英彥景附昭大業於無窮垂型範於九有佇盼高風無任向往急烹軒車以慰飢渴

法制局前任職員名單

法制局編制員	羅方書	法制局編制員	曹昌麟
法制局編制員	劉伯昌	法制局編制員	姜廷榮
法制局秘書長	劉健	法制局參事	毛昌傑
法制局參事	仇鰲	法制局秘書	吳兆樹

法制局編制員 楊勉之 法制局調查員 張國

法制局調查員 易銀圖 法制局參事 李鴻年

法制局編制員 劉毅 法制局調查員 李懷亮

法制局調查員 黃序初

交通部薦任職員名單

兼任招商總局督辦 滬軍都督陳其美

招商總局總辦 陳輝廷 招商總局總辦 關子明

臨時政府公報

憲法

第十二號

★

臨時政府公報附錄

中華民國元年二月十一日星期日
隨報附出 不另收費

電報

廣東陳都督轉港澳招商局股東甘作培鄧榮基等及報界公鑒民國政府以軍需孔急非得鉅款無以解當前之困難故有以招商局產抵借之議仍由政府担任償還於招商局權利無損乃滬局開會通過而港澳股東反對須知將士爲民國不惜身命而民亦同休戚蘇路浙路俱屬商業今皆承認借押並非強招商局獨爲其難爲此電告各股東勿生誤解貽粵人羞切切總統孫文

南京去電

上海伍廷芳先生鑒轉北京電悉勸爲民軍擊退所報殺使等事殊爲子虛現有張勳倪嗣冲均增兵增械勢欲南下僥軍尤爲狡詐屢誘攻類上民團慘殺無狀應請彼方嚴行約束勿使徒託函電空言至退位之事更宜催促早定不堪久待也總統孫文叩庚

南京去電

桂林陸榮廷都督鑒陽電悉尊處委曲情形已得陳司令詳述執事有維持公安之責

公執法無所容其遷避果真有搶掠刦殺之舉動自要嚴懲卽保民軍亦以守法與否爲斷惟執事審察情形辦理可也總統孫文佳

南京來電

武昌黎副總統鑒處電悉禁烟事件須俟得某國承認後始能協商至轉賣一節非禁烟之良法現時南洋各埠辦此實於禁烟進步有阻蓋視爲一種收入必難收淨絕之效理勢然也故卽將來官賣之法亦恐無以取信內外而必其辦到此復總統孫文佳

南京來電

孫大總統黃陸軍長參議院議員諸公鑒查優待清帝條件第一款遜位之後尊號仍存云云貌襲文明實伏亂源竊不敢取夫君主民主國體絕不相容總統皇帝名稱自不能兩立今總統之外再擁皇帝非驢非馬不獨無以尊崇國體實恐見侮外人其危險一清廷退位非出於禪讓之本心而屈於民軍之勢力若賜許遜位陰行帝制將來暗植私黨巧借外援路易十六之禍行將立見其危險二既許以外國君主之禮相待本無干涉內政之特權惟國交儀式係尊重其國體非尊重其個人玉帛往來僅一時之禮遇今清廷退位國體變更五種民族視爲一體君權已全體取消帝號竟無所依據若視爲外國君

主而稱帝於民國之內則將懷抱野心煽惑蒙藏徐圖恢復啓藩部分離之漸壞中華統一之基其危險三遜位之後領土主權一律轉移於民國此應然之勢若仍擁帝號雖保無爾巽升允之徒地據偏隅遙奉名義以相號召將來內部征討勞民傷財殆無甯日其危險四且就事實言之清廷一面講和一面備戰山陝民軍迭遭蹂躪那桐載澤私仁外兵將來利用保皇名義陰行割據手段破壞大局貽害子孫其危險五頃聞總統及陸軍長通電亦知停戰展期不可再允鄙意空文辯駁實屬庸計而憚士心現南北軍隊既經聯絡彼寡我衆彼曲我直以此進戰何攻不克惟有激勵各軍同時北上人鳳立爲惡黨敵賊以相周旋倘再遲延貳寇長奸誰尸其咎時危事迫敢效狂言知我罪我聽諸公論北面招討使譚人鳳叩齊印

孫大總統黃陸軍總長鑒頃接北京袁內閣治一電云接東督趙銑電稱民軍以多兵由金州中立隙地登岸云又奉軍馬赫領龍潭副電稱莊河境尖山口初十午後民軍艦五艘運下大炮十餘尊子彈炸彈多箱民黨三百餘名內有洋人三十餘名本地土匪亦皆附入其陣位安置奉軍商榷台後玉皇廟尖山口四處逼向我軍云此等舉動實是敗壞

大局咎有攸歸況現方嚴請停戰和平有望希嚴切電飭該民軍迅即退回免致另生枝節是爲至要迅復等語至金州等處密運日界民軍進行兩應審慎舉動稍越範圍輒生外交重要問題決非吾人所忍出況目下續定停戰期限和議將有端倪似不宜過以武力相逼乞酌核情形立刻電飭金州等處民軍聽候命令免生枝節至盼廷芳語

上四來電

孫大總統武昌發副總統南京陸軍部黃總長陸都督鈞鑒詳於五號抵長抄此倉卒出師所部將士均曾經戰陣強悍耐勞惟編制訓練多未完備擬即進駐孝感改編成協補授戰法以期連合各界協力進攻早定中原一切作戰方略總乞隨時命他令導爲禱桂林都督王芝祥叩七號

長沙來電

孫總統鑒敵省雖稱獨立而一切用人行政純與本黨共和宗旨反對現已電陸都督暨議院提議本黨要求各件一不准沿用亡清舊巡防隊名目及編制二現存五百餘萬公款應開列預算表冊開銷不准分文濫用三軍政府用人應由公民選舉以備委任四不准袒護官犯及漢奸五悉數招撫綠林分別安置六除劫掠外不得誣民軍爲匪七征集

北伐軍照原案辦理趕速出發請其明確速復否則本軍用相當手段以促進行事開政
治革命行動合先電告以免誤會共和黨廣西支部劉岷等叩

（廣西來電）

大總統黎副總統伍外交總長鈞鑒頃接西安張都督福日十萬火急電云敵軍敗退潼
關失守所有兵隊盡在西貳與升長二賊相持省城空虛四無援救殘敗之局勢難支持
危亡即在目前萬望速出勁旅由漢中星馳來援庶能保此一縷生機等語據此清軍種
種違約請即取銷和議迅整聯師大隊進發殄滅滿虜以定大局而救危亡敝處聯合川
滇黔之軍尅日出發特聞蜀軍都督張培爵夏之時叩東

（重慶來電）

中華民國大總統孫鈞鑒得聞節庵已蒞江甯此次推翻滿虜掃除腥羶惟我大總統百
折不撓之心用能鼓舞羣季恢復漢業樹無前之偉烈草專制爲公利溥海蒼生重親天
日聞各省都督全體公舉我大總統爲中華大總統較德論功實與華盛頓使先媲美欽
服無已謹肅軍實滇西同志張文光叩

（昆明來電）

中華民國孫大總統萬歲雲南臨時省議會陽歷正月望日

（雲南來電）

大總統鈞鑒各部總次長參議諸公副總統各省都督各部總司令鈞鑒謹率全國民落